

قره طاغ من القديم دولت عليه نك اجزای متممه سندن اولديغي حالده
 براز زماندن برواهااليسى موقعلر نك صر بلغنه اغتراراً كروه سركشي
 وعصيانه سالك اولوب سلطنت سنيه جه دخی متوالی الظهور اولان
 بعض غوائل تأديبات لازمه لرينك اجرا سيله دائره اطاعت
 وانقباده ادخالرينه حائل اولمشیدی بوججهيله جبل مذکور اهااليسى
 بر حال تفرد ويكاً نكیده قاهر ق صورتحوال وحشت اشتمالري بزجه
 همان بالكلية مجهول بولمش ايسنده برقاج سندنبروتوسيع دائره شقاوته
 قيام ايله همجوار لري بولنان ايالات سلطنت سنيه پاي انداز تسلط
 وخسار اولاري كركي كبي تربيه وتاديب لريني استلزام وبودخی حقنده
 هر كسك نظرد قتي جاب اتيكله جبل مذکور واهالي، وحشه سي
 احوال وكيفياتنه واخلاق وعاداتلرينه دائر بعض معلومات ويرلسي
 مناسب وقت و حال كورلشدر

قره طاغ ازمنه قديمده چام اغاجي ايله مستور اولهرق هر طرفدن
 سياه كورند يكدن شو كيفيت قره طاغ تسميه سنده سبب اولشدر
 كندولسانلر نجه دخی ينه بومعنايي متضمن اولق اوزره چرناغورا
 تسميه اولنور

قره طاغ غربا هر سك سنجاغی و شمالاً بر مقدارى اوستريامال كندن
 دالماسيا ايله محدود اولوب قصورى اشقودره سنجاغی ايله محاطدر شمالدن
 جنوبه طوغرى اولان طولى تقریباً كرمي بش و شرقدن غربه طوغرى
 عرضى اون ساعتهك مسافه اولوب مجموع اراضيسى يتمش سكسان
 مربع ساعت وسعتنده در اكړيا طاغلق محللرده اولديغي مثلاً واهاليسى
 متفرق و پراكنده اولديغندن مقدار نفوسى صحتة قريب صورته

بیلنه میوب فقط یوز یکر می بیک قدر اولوق اوزره تخمین اولنور
 عموماً رجالی حرب وقتال ایله مألوف اولوب اسلحه و ادوات حریدری
 ماهیتلرندن جزؤ مشابه سنده بواند یغندن پک صقییه کلد کلمی
 حالده اون بش یکر می بیک قدر عسکر چقاره بیلور لر و بر لرینک
 غایت صعبیتی جهتیله برقاچ قات دشمنه مقابله ایدر لر هر طرفی
 زیاده طاغلق و طاشلق اولوب حتی اها لسی بیننده شو و جهله
 بر اعتقاد باطل وارد در که کویا حق تعالی حضرتلری حین خلقت عالمده
 دنیانک هر طرفه بر مقدار دو کک اوزره بر حواله طاش طولدیره رق
 کره زمینک اطرافنده طولاشدیرر ایکن قره طاغ موقعنک اوزرینه
 کلد کده چوالک ذیبلدیندرک پک چوق طاش دو کک واشته بو و جهله
 دنیانک محصولدار و بطاقلق اولان محلاری طاش سز قله رق انلرک
 حصدری کاملاً قره طاغه اصابت ایلمشدر

قره طاغده درت ایرمی اولوب بریسی ریقو و چرنویچ نهردر که
 جبلک جانب شمال بسنده واقع بعض دره لردن چقهر رق و برقاچ محلدن
 یکدرک چتبه جوارنده یشه بو اسم ایله معروف برکول تشکیل ایدر
 واورادن دخی چقهر رق اشقودره کولته منصب اولور بو ایرمقده پک
 چوق بالقی وارد

ایکنجبسی شیمچا نهردر که بعض یوکسک طاغلردن چقان اوچ
 چایک بشبسی نام محلده برلشیمسندن حاصل اولدرق و سن باذیل مناستری
 جوارندن مرور ایدرک مورچه نهرینه منصب اولور
 اوچنجبسی زیتادر که منبعی جبلک جانب غرب بسنده اولوب بودغوریمچه
 قریه سی یشکاهنده بودخی مذکور مورچه یه منصب اولور
 دردنچبسی سوچا نهردر که بو طاغک جانب غرب بسنده ظاهر

ایدرك بو دینه نام محل جوارنده كذلك موراجديه دو كیلور
قره طاغك قابل زراعت اولان محللرنده ارنبولق و یونانستانه مخصوص
محصولات وجوده كلوب فقط كرك اكثر اراضیسی قابل حراثت
اولد یغندن و كرك رجالی ارتكاب كلفت زراعت ایتیموب بونی نسا
طائفه ضعیفده سی عهده سنه تحمیل ایلدكلرندن اهالی كمال درجه
فقرو سفالت اوزره تعیش ایدرلر و ذكوری بوسنه و هرسك
اهالیسی **ك**بی علی العموم غایت ایری و توانا اولدقلى حالده
اولوجهله امر زراعتی و نقل انقال مثللو امور شاقده ی زواللوقاریله
کور دیردكلرندن بونلر اكثر یا نحیف الوجود و چركین و کیرلر اولورلر
واغنیاری بیله ذیقیت احجار ایله مرصع کر و سائر کونه قیماو
تزیینات ایله برابر یوكدن کوملك تلبس ایدوب اصلا یقمازلر
و برچوق زمان استعمال ایدوب ارتق محافظه سی ممکن اوله منجیه
یعنی وجودی ترك ایدنجیه قدر ارقه لرندن چبقارمز لرو تأثیر
حرارتدن یوزلری لکه دار و اسمر اوله رق سنلری **ك**حاله
ایر مکسزین اختیار اولورلر وار ککلی غایت قسقا نچ اولوب ادنی
مر تبه عرضنه رخنه ایراث اید نلرک قتلله اکتفا ایتدکلی حالده
بیچاره قادیلره اسیر معامله سی ایدرك اولوجهله امور شاقده
استخدام ایتدکدن بشقه شان رجولیته فوق الحد تعظیم
و توقیر ایتک اوزره اجبار ایلر لر شویله که بر قادین صاحب و مالکی مقانده
اولان قوجه سنك كمال تذلل ایله النی او پمدکجه یانته یقلشه من
و کافه اهالی الك زیاده ظلام جهل و نادانیده اولوب ایچلرنده
او قور یازار ادم هیچ بولمز کبیدر وقار یلر ایدسه جله دن زیاده حصه دار
جهالت اوله رق بهایم کی یشارلر

قره طاغ سکر ناحیه به وهر ناحیه دخی برقاج قبيله به منقسمند
هر قریه نك كنجدا سی مقامنده براختیاری وهر ناحیه ده برکتر
و برویوده و بر بیراقدار وارد حال عصیانده بولندقلری زمان
رئیس مذهبلی اولان ولادیقه زمام حکومتی دخی اله المشار
ایکن شمیدیکی ولادیقه نك سانی اولوب بوندن ایکی سنه مقدم ینه
همجنسارندن بریسنك ایله قطاروده بولندیغی حالده مقتولا
وفات ایدن دانیلواستدای حکومتده قوه روحانیه یعنی ریاست
دینیه بی بشقه سنه ترك ایله یا لکر حکومت جسمانی بی تقلد اتیش
و شمیدیکی دخی بومسلکه کشدر

قره طاغلورلك نه مذهبده اولدقلری حقیقی اوزره تعیین اولنده من
اگرچه روم مذهبیه یقین کورینور ایسده چونکه کندولی
نیم وحشی برطائفه اولدقلرندن دیانتجه دخی انجیق نیم خرسنساندر
مذهبلی برطاق اعتقادات باطله ایله مالی اولوب از جمله جبارک
صاحب و حامیسی اولق اوزره ویلا اسمنده بریری توهم واکری
عبادات و مناجاتلرنده انی یاد و تذکار ایدر لرینلرنده اوتوز قدر
مجرد کشش وایکبوز قدر عادی پایاس اولوب بولردخی همان
کافه جهالت و حاقته اهالی سائر نك مادوننده دکلردر
قره طاغ ولادیقه لغی اوته دنبر وار نبودلقده واقع اپك بطریق لغی
ملحقا تشدن اولدیغی حالده بوندن یتش سنه مقدم مذکور
بطریق لغک اوخری بطریق لغی ایله برابر لغوی وقوعه منی قره طاغ
ولادیقه لغی در سعادت بطریق لغه الحاق قلمش ایسده مؤخرأ
حین عصیانلرنده کویا دولت علیه ایله انقطاع مناسباً تدرینه علامت
اولق و هم مذهبلی اولان روسیه دولتی طرفه میل و انجذابلری

کوسترمک اوزره روسیه کلبه ساسنه تبعیت ایتیشلردر
 قره طاغلور سقلان ون جنسندن اولوب استانبولک فتحندن مقدمه
 وندیک کورفزندن قره دکره قدر ممتد اولان صرب دولتی داخلنده
 ایدیلر جبل مذکور سلطان مراد اول حضرت لرینک انار فوجات
 جلیله سندن اولوب بیک در تیوز یتیش سکر سنه میلادیه سنده ابوالفتح
 والمغازی سلطان محمد خان غازی حضرت لری وندیکلویدنده بولنان
 اشقودره قلعه سنی حصر و اخذ ایلدیکی وقت قره طاغی اشقودره
 ایالتیه الحاق ایتیشدر بر زمان اول حالده قالدقدن صکره براز وقت
 دخی هر سیک سنجاغی مضافاتندن اولمشدر میلادک اون بشنجی
 قرننده قره یوان نام ولادیه زماننده قره طاغلور بر هیئت مستقله
 تشکیل ایل وندیکلور ایله متفقاً خیل و قتلر همجوار اولان ممالک
 دولت علیه ایله حرب و قتاله مباشرت ایتیشلردر
 شمسی حکومتده بولنان سلا له پتروویچه منسوب اولوب بونلر
 تقریباً ایکوز سنه مقدم زمام حکومتی اله المشدر مومی الیه
 پتروویچدن مقدم اشقودره والبسی بولنان سلیمان پاشا قره طاغی
 کاملاً استیلا و اها لیسنه ویرکو طرح ایتیکله بونک اوزرینه
 سکسان سنه قدر لوازم تبعیتی ایفا ایتیشلرایدی پتروویچک
 ولادیه لغی زماننده طاغلور علی الغفله قیام ایله جبلده بولنان
 اهل اسلامی قتل عام ایتیشلردر اول ائشاده روسیه امپراطوری
 بولنان دلی پترو ساطنت سنیه ایله محارب بولند یغندن مخصوص
 نامه وایلیچی ارسالله دولت علیه علیه طاغلورک عرق
 تعصبلرینی تحریک ایتیش ایسدهده چوق کچمکسزین پروت نهری
 کنارنده وقوع بولان هزیمتی اوزرینه عقد مصالحه اولند یغندن

طاغلول اجرای حرکات خصمانه به میدان بوله مامش لر در
 ذکر اولان حرکت غدارانه لرندن طولانی تأدیب و تربیه لرینه
 مأمور یوریلان احمد پاشا کرکی کی حق لرندن کله مدیکندن
 وزیر اعظم کوپرلی نعمان پاشا کلیتو عسکر ایله اوزر لرینه
 کبد رک بروفق مرام اخذ انتقام ایله عصاة جلی دائرة اطاعت
 ادخال ایلدی قره طاغ اوزرینه درکار اولان مشکلات موقعیه
 مناسبته جزوی عسکر ایله واریله میوب بیوک اردو سوق
 اولدیغی حالده دخی لازم کلان ذخائر و مهماتک تدارک و نقلی
 کلی زحمت و تکلفه محتاج اولدیغندن و برده باشلری
 پک صقلدیغی حالده چور چوبدن عبارت اولان قریه لرینی
 یاقه رک و حیوانات لرینی برابر الهرق شواهیق جباله چکلد کلرندن
 شو حاله اغتراراً قره طاغلول دائماً رفع لوای عصیان ایلد کلری
 مثل لویک چوق دفعه دخی قوه قاهره سلطنت سنیه ایله تأدیب
 و تنکیل قلمش لر در

قره طاغلول علی العموم غایت جسور و بهادر ایسه لرده حین
 محاربه ده شیعه انسانیتک ماوراسنده حرکات غدارانه ارتکاب
 ایدر لر و اسیر طو تدقلری ادملره امان و یرمیه رک در عقب باشنی
 کسوب المنی بیوک شرف و افتخار عدا ایدر لر و اللرینه کچن
 دشمن کله لرینی مرکز حکومتلری اولان چتیه به کوتور و ب
 مخصوص بر قله اوزرنده مزاراقره دیکه رک خیلی وقتلرا و حال
 اوزره براغورلر و مذکور قله اوزرنده دائماً اوتوز قرق قدر
 ادم کله سی اکسک اولزاشته اولوجهله حین محاربه ده باش
 کسمک اخص املری اولدیغی مثل لویک کند و لر دن دشمنه باش

كسدير ما مكه دخي ارقدر غيرت ايدوب حتى ايچلرندن بريسي
 ياره لثوب يوريمكه مجالي قالمديغي كورلدكده دشمن اليه
 درشمامك اوزره در حال كله سني كسوب برابر الورل بيك
 سكر يوز التي سنه ميلاديه سنه طاغلور له برلكده محارب اولان
 روسيه عساكري ضابطا شدن بريسنك نقل ورواينه كوره
 بر محاربه ده روسيه اورفقا سندن بريسنك حر كنه مجالي قالمدقه
 برقره طاغلويانته ياقلشوب كويا كندوسنه موجب ممنونيتي
 اوله حق بريسوك خدمت وانسانيت ايتك اوزره باشني كسوب
 المقلغي تكليف اللمش واولدخي جوابنده لطفكره تشكر ايدرم
 شمديلك حاجت يوقدر ديه رك وشوشويق غريب بالضروره
 كندوشنه موجب غيرت اوله رق قالقوب يوله روان اولمشدر
 بيك سكر يوز التي سنه ميلاديه سنه ناپوليون زمانده فرانسزلر
 قاستل نو و اجوارنده بولند قلري حالده ستورينه ليمايه چيقمش اولان
 روسيه لور ايله اون بيك قدر قره طاغلواوزرلر ينه هجوم ايله مغلوب
 و بريشان وراغوزه يه قدر تعقيب ايله شهر مذكوري ضبط واسنيلا
 ايتديلر و شهر اهاليه سنه ويركو طرح وراغوزه نك ليماي اولان
 غراوزه يي كاملا احراق ايدوب محل مذكور تكرر اعمار اولنه مديغندن
 الي يومنا هذا اشقياي مذكوره نك اثار خرايتلري مشهود در فقط
 شهر مذكوري چوق وقت محافظه ايده مبه رك تركه مجبور اولديلر
 برنجي پترو بيك يديوز يديده زمام حكومتي الهالوب تمام اللي اوچ سنه
 ولاديقه لق ايلدي وملككك اصلاح احواله خيلي سعي ايدوب
 دائما بيكد بگردن اخذ انتقام و انواع شقاوته افتحام كي اوتدنبرو
 مألوف اولد قلري اوضاع غدارانه لرني تعديل وتسكيت

اهتمام ایلدی وزیرده بعض مواد اساسیه سی بیان اولنده حق
برقانوننامه تنظیم ورؤیت دعاوی یه مخصوص بعض محاکم و مجالس
فتح و تأسیس ایتدیکی مثلا و اشی اصولی و الیوم باشلیجه
محصولاتاری اولان پتاس زراعتی ادخال و برنجی دفعه اولق اوزره
صبیان مکتبی کشاد ایلدی خلفی اولان ایکنجی پترو اولد قجه
تریبه لی و معلوماتی برادم اولوب اور و پاده دخی برازوقت سیروسیاحت
ایلمش اولد یغندن قره طاغنه عودتنده سبانی مسلکده سلوک ایله
مکتبلر کشاد و چتینده بر طبعخانه و بعض کتابلر جلیله بر کنجخانه
تنظیم ایلدی و بو طریق ایله قره طاغلوری من القیم مألوف
اولد قاری سقاوت وجهان دن تخلص و مسلك مدیت و انسایت
سوق ایلك اخص امالی اولد یغی حالده عمری وفا یتیم یکر می سنه
ولادیتقه لق ایتد کد نصره هنوز کنج ایکن وفات ایلدی
بونک اخلافی اولان کرک متوفی دانیو و کرک شمیدیکی نقوله داعیه
استقلال و حرص جاه و اقبال غائله سیله اشتغال ایدرک
طریق تریبه و تمدنی بالکلیه اهمال ایلمش اولماریله ایکنجی پترو بک
کتوردیکی کتابلر الیوم طاق نسیانده متروک و بسمه خانه و مکتبلر
مسدود بولمیشدر
قره طاغک باشلیجه قراستندن بریسی چتینه در که دیساده اندن اصغر
واحق رفیق حکومت اولماق کر کدر یکر می قدر خانه دن عبارت اولوب
بونلرک دخی انجق ایکهسی و یا خود اوچی خانه اطلاقه سزاوار
اوله رق قصوری قلوبه در و برکله ساسی اولوب سالف الذکر
برنجی و ایکنجی پترو در و ننده مدفوندر و ولادیتقه سرایی بیله
اخور شکنده بر بشارت اولوب فقط در و ننده اثار مدیتدن اولق اوزره

قنه و صندالیه کبی بغض اور پامفر و شاتی و بریسار دو و هیچ
ال دکامش معهود کتابخانه موجود در ولادیکه نیک فامیلیاسی
منسوب اولدیغی نیغوس نام محله دیگر برخانه سی دخی اولوب
محل مذکور کویا ملکک ایکنجی شهری اوله جقدر سائر قراسی
بخشه کلنجه جله سی متفرق و پریشان برطاق قلوبه اردن عبارت
اولوب هم بنجره و هم قپو و همده باجه لقی ایتمک اوزره بالکنز
بردلکری وارد ر

بالاده دخی ذکر اولندیغی وجهله قره طاغلور امر زراعت و حراشی
قاریلرینه کوردیروب کندولی اکثر یا بوش کزدکلرندن
همجوار بولتان ایالات دولت علیه اوزرینه غفله هجوم ایله قتل نفوس
و غصب امواله اجنسا رویا خود ادنی وسیله ایله قرا و قبائل اهل بسی
یکدیگر لایله مقاتله و سفک دمایه ایتدار ایتمک واجانب علیه
حرکت لازم کلدکه موقتاً بیلرند ترک معادات ایله جله وثیقه بند
اتفاق اولمق اوتدنبه و عادت کریمه مستمره لیدر

ولادیکه بر طرفه عسکر سوق ایتمک مراد ایتدکه کلی تدارکاته
تشبث ایتمک و امر نامه لراصدار یله عسکر جمع ایتمک و موازنه دفترنده
معاش و مصارفاری تسویه سی چاره سنی ارامق کبی تکلفاته
محتاج اولوب او یله یرشده قرار و یردیکنی اهالی قرا ایشدکلی کبی
در حال هر کس سلاحنی قاپوب و بر طوبره درو ننده بره مقدار اتمک ایله
براز باروت و قورشون الهرق باشنه طوپلنورلر معاشلری
تفنگلرینک و یا خود بچاقلرینک اوجنه حواله اولمشدر میدان محاربه
مزرعه لری و غلبه ایتدکلی دشمن شکارلری و کسدکلی باش
علامت مغفیرت لری در محاربه ده تلف اولملری قبیله لرینه موجب شرف

اولد یغندن فاملیار مقتول لرینه بر طرفدن اغلد قلمری حالده دیگر طرفدن انک جسارت و شجاعتیله مفتخر و مباهی اولور لر و حتی بر قره طاغلو اوغلنه منفعل اولد قده سنی کیدی آلیق نهایت سن شواد بسز لکک جزا سنی چکه جکسن وینا عکده اوله جکسن دیو تو بیخ ایلمک معتاد خیانت اعتیاد لریدر

قره طاغک امور ملکیه و ضبطیه سی بر مجلسه محول اولوب بودخی سنا نامه له اون الی اعضادن مر کبدر و اشبو اعضانک هر برینه شهر ی ایکی بیک غروش معاش ویر یاور بونک زیر اداره سنده ضبطیه نفراتی مقامنده در تیوز کوچک ما مور لری وار در که بونلر قریه لده سنانک حکم و قرار لری نی انفاذ ایدر لر مجلس مذکور ک مر کزی چتینه اولوب گاه اداره و گاه ضبطیه مجلس لکی ایدر بر ادمک قتلنه حکم اولد قده بعده مقتولک فاملیا سی قتله ما مور اولان حقنده اخذ انتقام داعیه سنه قیام ایتماک اوزره قتل اولنه جق شخص بر صحرا یه کو تور یله رک یوز قدر ادم بونک اوزینه بردن قور شون اتوب اولدیر لر اشبو تدابیر متوقی برنجی پترو نک وضع ایلدی کی اصولدندر

ولادیه نک وارداتی فاملیا باشنه جزوی بر مقدار ویر کو ایله طوز و باقی و توتون و بصدیرمه اوزرینه انسان رسوماتدن عبارتدر بونلر نهایت اوتوزیک مجارالتونه بالغ اولوب مصارف لری ایسه پک جزو ایدر

(منیف)

مترجم اول باب عالی